

ARUBA ANSE COURANT



Diario



pa Aruba

TRY
Tropical Cherry
a fine NEW softdrink
from
Tropical Bottling Co.
call: 1773

Instala aireacondi
cionado na Bo
Cas AWOR!!



tel. 2170

ANJA 20

DIALUNA 8 DECEMBER 1958

No. 3307

Clenn Cox A Gana Promer Wega Pa Rapinos

(Di Nos Sportreporter)

O'STAD. — Cu un numero di publica un poco decepcionante ayera mainta den Wilhelminastadion a worde hunga e promer di e double-header entre Rapinos y Cabimas, partidanan valida pa e actual campeonato di Liga Occidental di Venezuela. Despues cu e Consul General di nos bisinjanan Dr. Bernabe Perez a lanza e promer strike y e himno hulandes sigi pa esun venezolano a ser entana, e promer partido a cuminsa.

E corpulento Glenn Cox, lanzador di Rochester AAA, a dura henter e trayecto pa Cabimas, mientras cu Bill Harris, awor di Montreal, a haci mescos pa Cabimas.

Den e tercer inning despues di dos out, Cabimas a tuna defantera. Davis cu a conecta single ta riba segunda y luego ta ser empuha cu linea den leftfield conecta pa Soraci.

E segunda y ultima carrera di Cabimas ta worde anota den e cuarto episodio. Shortstop Smith ta embasa

tras conecta rolling pa su colega Aparicio, kende a comete error. Sherry ta conecta largo hit den jardin derecho y un di e rightfielder ta permiti Smith alcanza home pa e segunda carrera di su equipo.

Rapinos, cu ta worde domina den e promer cuatro inningan door di pitcher Harris, ta anota su promer tanto den e quinto inning. Despues di un out Shearer ta single den center cu fuerte rolling. Pastor Romero, kende e mes inning a haci e mihor atra-

pada di e partido den rightfield, ta sigi cu batazo largo bajando e leftfielder hon pa dos base empuhanda Shearer. Tirando un slide den un fallo intento alarga su tubey. Romero ta worde lastima na tercera y mester bandona e partido.

E septima ta resulta verdaderamente sortario pa Rapinos ya cu nan ta anota cinco biha pa bai y keda arriba. Jom Finnigan ta habri cu hit. Carion den e hugada di sacrificio ta embasa pa fielder's choice. E loque a worde recogido door di pitcher Harris kende a bira lanza rapidamente pa segunda caminda short Smith a drenta, acepta y lanza rapidamente pa primera. Pero e baseumpire na segunda Mike Kuiper a yama e hugada na segunda safe ya cu e short no tabata tin contacto cu e base na momento cu e lo ricibi e tiro di Harris y como e tiro primer no a yega na tempo pa saca Carion ambos corredor a yega safe. Finnigan ta provecha un confusion den infield di Cabimas

un dado momento pa bai te tercera. E siguiente bateador Shearer ta conecta un bialta linea den rightcenter cu ta pasa exactamente arriba e porta grandi di stadion pa un homerun empuhanda tres carrera. Cash tambe ta conecta incongible den left. Martinez ta come ponche, pero Cox ta embasa cu pasage gratis. Mientras cu Co tabata tumando su turno Cash a sali di robo pa segunda y a yega te tercera ora cu e tiro di e catcher a sigi te den centerfield. Luisito Aparicio no ta falla e biha aki y ta conecta tubey den rightfield empuhanda Cash. Jim Tanner ta embasa cu error den infield y Cox cu tabata na tercera ta anota carrera number seis pa Rapinos.

E dos ultimo inningnan ta bai den blanco terminando e partido den un victoria pa Rapinos cu anotacion di 6-2.

Rapinos a conecta 8 hit, ricibi 2 base por bolas, 7 ponche y comete 2 error, mientras cu Cabimas a conecta 7 hit, ricibi cera base por bola, cinco ponche y comete 1 error. Umpirenan tabata latyre: Smith, Mike y Leo Kuiper.

Ningun portret

„Nos intencion pa dedica un foto-reportage na e encuentro interesante aki na Aruba, mester a fracasá pa falta di cooperacion di autoridadnan di deporte en cuestion.

Apesar cu no ta di prome biha cu representantenan di prensa na entrada di stadion intencionalmente ta worde stroba y asina no ta hanja oportunidad pa saca foto pa publicacion.

ta cu 13 voto awor y oposicion por conta cu 9 voto.

Tambe den Eilandsraad hopi probable lo tin otro zonido awor. A pesar cu un exhibicion biew di U.N.A.: nombramento di un Gezaghheer prime cu eleccion di Eilandsraad sigur lo no por worde complacé, por spera cu lo tin un relacion mas agradabel entre fraccion di P.P.A. y U.N.A. Te cu Juli di otro anja pues un Tijdelijk Gezaghheer lo keda funciona.

Te na unda K.V.P. di Corsow lo cambia su punto di bista nos no por a worde informa aki.



FELIPE B. TROMP
Minister nobo

E minister nobo di ensenaza, senior Felipe B. Tromp (41 anja, ta casa y ta tata di dos jiu. Actualmente senior Tromp ta duna les na Arubaans Technische School.

Riba terreno politico e no ta un desconocido. Den Bestuurscollege anterior e tabata ocupa un puesto den asuntunan di ensenanza. Tambe algun tempo pasa senior Tromp a participa como delegado Antillano na e Conferencia di Mesa Redonda, na unda e Staatsregeling nobo a worde prepara. Foi anja 1955, tempo cu PPA a gana eleccion di Eilandsraad, senior Tromp no tabata ocupa ningun puesto na Bestuurs College, pero wel tabata miembro di Eilandsraad, local e ta te cu awor.

UNA a join cu gobierno di DP.-P.P.A.: Felipe Tromp minister di ensenjaza

O'STAD. — Ayera mainta un decision importante a worde tuma pa U.N.A. ora cu nan a dicidi di acepta e oferta biew di formador di gabinete Isa, si nan duna nan cooperacion na e Gobierno nobo, di endica Sr. Felipe B. Tromp canio candidato pa e carter di ensenjaza. Por worde acepta, cu tocante e carter aki lo no bini ningun dificultad, di manera cu denter di algun siman Sr. Tromp lo keda nombra como minister di ensenjaza.

Cu esaki un periodo di conferencia di varios luna e yega na su fin. Durante formacion di gabinete nan

no por a yega na un acuerdo, apesar cu tabata resona un voz fuerte pa nan duna nan cooperacion den circulacion di directiva di U.N.A. posibel cu di tur dos banda nan a mesela awa den e binja, di manera cu awor un decision por a worde tuma.

Statenlid di U.N.A., A. Werleman, pues lo bai apoye esbiki di gobierno di 12, di manera cu gobierno por con-

VIEIRA & HARMS
for
NORGE
Refrigerators - Stoves - Washmachines
Easy terms Tel 2436.

FRIGIDAIRE 1959



You'll feel
like a
Queen...
every day with a new

'59 FRIGIDAIRE APPLIANCE!



Model SA-9-59 Capacity 9 cubic feet

Cash fl. 522.-
Installment fl. 580.-

N.V. Winkel's Handel Maatschappij
Oranjestad Phone: 1431
San Nicolaas Phone 5095

Esaki T'E COS....!!

★ 10% DESCUENTO

★ Tur siman un lote nobo di muebles

★ Condicionnan pa paga cuota di mas facil na Aruba!

No ta stranjo cu mas y mas hende ta bishita nos negoshi!

Pakiko ABO no?

Tur hende ta cumpra na:

TEXAS FURNITURE STORE
Emmstraat 6a Tel. 1083 O'stad



CINE
AWE NOCHI
8 DI DECEMBER

DE VEER THEATER

8.30 or 18 anja
„FOR WHOM THE BELL TOLLS”
„POR QUIEN DOBLAN LAS CAMPANAS.”
cu: Burt Lancaster - Gary Cooper - Akim Tamiroff - Arturo de Cordova
Fl. 1.25 Fl. 1.00

RIALTO

8.00 or 18 anja
„DEATH IN SMALL DOSES”
(MUERTE A PLAZOS)
cu: Peter Graves - Mala Powers -
Fl. 0.75 Fl. 0.50

PRINCIPAL


8.00 or 18 anja
„MISTER CORY”
(LOS AMORES DE MR CORY)
cu: Tony Curtis - Martha Hyer - Charles Bickford - Kathryn Grant
Fl. 1.50 Fls. 1.00

AURORA

7.30 or 18 anja
„WINGS OF THE HAWK”
(REBELION REDENTORA)
cu: Van Hellen - Julia Adams - Abbe Lane
Fls. 0.75 Fls. 0.75

SAVANETA

7.30 or 18 anja
„DE MADONNA VAN DE SLEEPWAGENS”
(LA MADONE DES SLEEPINGS)
cu: Eric von Stroheim - Jean Gaven
Fl. 1.00 Fl. 1.00



UW WASGOED
IS EEN

Maytag

WAARD!

Fro Maytag neunt
Uw was uit handen
en spart Uw handen
en Uw tijd, in een
balt mitje bent U klaar
met de was van 4

BELANGRIJK:

Bij aankoop 10 pakken

TAB cadeau!

Op afbetaling:

f. 30.— per maand

Palais Royal

(ARUBA) N.V.

Oranjestad - San Nicolaas

de a atrece dos rancheras, y un trio
forma pa koralnan Myers, Minis y
Luis cu a canta algun cancion.

Un comedia bao dje titulo „Ami-
cero” a worde ofrece despues, enal
a cayi masha na smaak. Lord Coh-
shii, maestro di Calypso tambe a con-
tribui en dos calypsos. Masha intere-
sante tabata un demonstracion di jin-
jutsu, y por ultimo, Mariachi Santa
Cruz bao di direccion di Heronimo
Winterdaal a toca algun pieza.

Comandante, majoor G. Giesheris
a dirigi palabranan e invitado y a gra-
dici tur esnan cu a duna nan coope-
racion pa e anochi agradabel aki.

Despues tin hende a pasa pa e pista
di bialta na unda „Blue Room Combo”
tabata encarga cu e parti musical, y
e baile aki a dura te despues di 10
di madrugá.

Demonstracion cu bringamen- tu na Mexico pa liberacion di presonan

CUADRU DE MEXICO, 6 dec. —
Tabata un bringamentu serio dilanti
di prison di San Luis Potosi (Mexico)
entre demonstrantenan y e guardia-
nan di prison, cu a la tin a resulta
den morto di un muchu y lesion pa
mas o menos 15 persona. E demon-
strantenan kende tabata existi libera-
cion di 121 otro demonstrante, cu a
worde arresta algun ora anterior,
y e edificio di e prison cu piedra-
man y e guardiaanan a los algun
tiro den lantia, e multitud a dispersa,
en excepcion di algun, cu a contesta
e tiramentu.

Gracias na intervencion di miem-
bronan di directiva di „Union Civil”
— un organizacion popular, cu ta
exigi dmission di e gobernador di San
Luis Potosi — a bini un fin na
e tiramentu prome cu yegada di asis-
tencia militar.

Sin embargo ta sigui un welga gene-
ral na San Luis Potosi, unda e estu-
diantenan a ocupa e universidad. Na
otro lugarnan den e becindario aqu
tambe ta reina un tension grandi, y
ta teme cu un demonstracion di
obrero, en lo tuma lugar awe nochi,
lo produci mas incidente.

di e number aki te pa nan sa algu
di su calidad musical!

Pa di prome nos ta contentu cu ta
Bodil Frolund a hanja e prome oportu-
nidad pa duna un piano recital den
e teatro excelente aki. Y esaki pa va-
rios motibo. Aruba hopi biha ta
considera hendenan di Lago Colony
como un grupo di hende completa-
mente apart y isola for di nan.

Pero pocopoco e pensamentu aki ta
kita y habitantenan di Lago Colony
a demostra un bunita principio di la-
ga yama nan pueblo „Seroc Colora-
do”, asina nan tambe ta parti di nos
isla.

Door di Arubaanse Kunstkring tam-
be hopi a worde haci pa trece musi-
cunan di e bario aki pa duna orkestra
etc. Bodil Frolund ta un dje ejem-
plonan. E piano recital tabata un
evento enorme, y tur hende ta spera di
mira Bodil Frolund mas biha den su
presentacionnan.

Bodil Frolund den Schouwburg



Diasabra anochi Bodil Frolund, e pianista di Seroc Colorado, a duna un recital den
schouwburg. Bodil Frolund kende a duna varios conciertu cu otro na Caracas y
na Europa, a consueha hopi exito.



Oranjestad

Hanja y perde

Sra. Hoeksema di Aruba Trust Kan-
toor a avisa polisnan cu e la hanja
un lot di Coronado den un tienda.
E donjo por bai buscele serca dje.

Senior Pichardo di Seroc Patrishi
10 a entrega un cartera cu contenido
di dama na warda.

Senior Pedro J. del Rosario a perde
un baril cu 100 liber di clabo aden
entre Aruba Hardware Store pa Auro-
ra Theater. Ta di spera cu e baril
aki no eibra!

FATUM — Tel.: 1845
Pa tur bo asegurado

Nabegante burachi

Na entrada principal di Lago ano-
chi dos nabegante burachi a camina
yega. Parece cu nan a bringa na nan
smaak tabata E.L. y K.H.H. y du-
rante nan pelea L. a dal su cabez
contra un taxi y a keda herida. Des-
pues cu nan a worde deteni un rato
e dos venjornan a worde hiba na nan
barent.

Interesante show na Marinierskamp diasabra

SAVANETA. — Diasabra mariniers-
nan a organisa un fiesta na ocasion di
celebracion di 293 anja di existencia
di korpsmariniers. E fiesta a cuminsa
cu un show varia Nos por a mira
„Flamingos” bao di direccion di Ser-
geant Dijkman. Trio Madrigalos ken-

Cabimas a gana segundo pa split Doubleheader

(Di Nos Sportreporter)

O'STAD. — Combinacion di e lanzador Luis Marturel y Larry Sherry a duna Cabimas un triunfo den e segundo partido hunga ayera tardi den Wilhelmstadion. Manager Norman Sherry a move su hungadoman bon na e momentonan necesario, loke a resulta cu e novena di Rapinos cu ta na cabes di e Liga Occidental a sucumbi.

Rapinos a anota su promer rayita den e inning inicial. E famoso Luisito Aparicio, kende den e partido aki si e demonstra di verdad cu ta e nahor short di mundo actualment,

ta habri su single, y la roba segunda y tercera. Despues cu Tanner ta ricibi pasage gratis, finalment ta conecta pa tercera y e promer doble matanza di e partido ta tuma luga di finalment pa Vilchez pa Soraci. Aparicio a anota cu fielder's choice.

Atrobe den e tercer Rapinos ta cruza home. Miguelito Martinez ta habri cu toque di infieldhit y tranquilamente ta roba segunda. Billy Dufour ta munda tercera cu toque di sacrificio. Passball ta permiti Martinez anota e segunda y ultima carrera di su equipo.

Cerrando e cuarto episodio Cabimas ta anota su promer carrera. Tom Davis ta conecta tubey costra di lanzador Dufour. Soraci ta sigi cu un batazo identico empujando Davis, mientras cu un passball ta permiti Soraci yega te tercera. Jenkins ta camina gratuitamente pa primera. Ariba un

rolata di Dixon Bell segunda base Tanner ta haci gran hungada sacando e corredor di tercera pa home apesar cu e flumbea un rato. A keda dos na base y Smith ta rolata pa tercera pa un doble matanza pa e via 5-1.

E carrera di empatie ta word aroti den e sexto. Manager Less Moss di Rapinos ta yama e sordo Rafael Malendez pa lanza e sexto cu luga di Billy Dufour y Melendez ta ha Davis. Toque di sacrificio di Soraci bri regalanda pasage gratis na Tom ta pone Davis na segunda. Despues cu Jenkins ta fly out, Dixon Bell ta conecta linea di hit den left empujando e carrera di empatie. Smith a cerra e entrada cu fly den center.

Cerrando e octavo episodio y en finalment e lanzador Nestor Cardenas, un derecho cu a denta pa Melendez e inning anterior, e pelotero di Cabimas ta anota dos hita pa sigura na victoria. Pa tercer hita cu Tom Davis ta habri y atrobe ta inning di carrera pa Cabimas. E hita aki Davis ta embasa cu rolata inegable den jardin robes. Un perfecto hugada di hit and run ta sigi ora cu Soraci ta linea den rightfield y vegaado Davis te tercera cu bon coring. Jenkins ta ricibi luego base por bola intencional pa yena e base nan sin out. Dixon Bell ta rolata sturave pero poco difil den direccion di

caha di pitcher y lanzador Cardenas ta comete error. E short Aparicio a trata di saca e bateador, pero a cai y su tiro ya a yega laat, mientras cu for di tercera Davis a anota e carrera di bai arriba. E siguiente bateador Smith ta conecta rolling pa short y force out ta word haci na home kando asida tres na base. E propio manager Norman Sherry ta sigi cu linea di hit den left empujando Jenkins for di tercera. For di segunda Dixon Bell ta trata di anota tambe, pero e ta bira victima di un perfecto tiro di e centerfielder Martinez. Milton Perez tabata e tercer out cu rolling pa tercera.

Rapinos a utiliza tres pitcher, kendenan a ricibi 6 hit, regala 7 base por bola y poucha 4, mientras cu e equipo a comete un error.

Cabimas a usa dos pitcher, Marturel y Larry Sherry, kendenan a permiti 6 hit, regala dos pasage gratis, poucha 5 y a conta cu perfecto respaldo di nan companjeronan den field. Luis Marturel a resulta ganador. E ampuenan tabata e mesun di e promer wega.

Indubitablement ambos wega tabata di bon baseball y e relativamente poco fanaticonan cu a presencia e enuentronan aki a goza di e hungadanan.

Musiconan di jazz practicando



Nos tabata presente diabierna anochi n.p. den club Chines na unda e orkesta di „Arubaanse Jazz Vereniging“ tabata practicando. Diabierna dia 12 di december awor nan lo duna un presentacion den e schouwburg. E orkesta aki cual ta word dirigí pa Dick de Keyser y di cual nos ta mira un parti den accion riba e foto aki, ta toca bon, y no tin duda cu diabierna anochi den schouwburg tur hende lo keda satisfecho di nan. Mesos cu durante e prome Jazz Festival na Bassi Ruffi, den schouwburg e programa tin como punto final un jam-session.

Sint serca Lions



Ayera mainta Sinterklaas un cas di senjor Jan C. Laele a bishita Lions y nan juman. Aki nos ta mira con e ex-president di Lions ta hanja un scual serca Sint, pasobra semper despues dje reunionnan di Lions e ta forma otro reunion cu un grupo di amigo cu unda nan ta lida te laat. E fiesta di sinterklaas tabata un exito grandi serca e Leonas.

San Nicolas na P.O.V.A.



Mescos cu tur anja, San Nicolas a yega P.O.V.A. trohe na un manera extra ordinario. E biaha aki Sinterklaas y Piet a bin abordo di un grua grandi di Taylor. No den cabina, pero den e cubo, na unda normalmente nan ta transporta cement. Asina cu diasabra anochi na P.O.V.A. ta sosede cu Sin Nicolas y Piet ta cayi di den iaria E foto aki di senjor Oudemuller ta duna un bon impresion dje medio di transporte.



Despues cu e reunion a word reparti, e wisselbeker a word entrega na e ganadornan di e vijfkamp, e equipo di San Nicolas, cual pa di tres biaha sigui a gana e vijfkamp, asina a bira donjo definitivo dje copu awor. Riba e foto aki nos ta mira e ganadornan y e bi-banan halta. Di r.p.d. senjores Ooms, Van der Wal, Sint, Piet, Tuinburg, Bitterbeek, Oudenaler, Brikkenberg.

Avisa den „ARUBAANSE COURANT“

REVISTA DEL CARIBE

Programa: La Revista del Caribe
Traduce: Margarita Nazario
Produce: Margarita Nazario
Sponsor: La Comision del Caribe
Fecha: Noviembre 23, 1958
Hora: 9:00—9:15 a.m.
Sta: Wapa Radio Station
Controo Tema: Marcha Colonel Bogey

PUERTO RICO. — La Administracion Federal de Hogares publicos, revelo recientemente un plan de 48 proyectos, incluyendo dos en las Islas Virgenes, los mismos han sido puestos bajo los contratos de contribucion anual. La construccion ha sido propuesta para que los mismos esten terminados al concluir el 1961, excepto uno en San Juan. Cuando todas esten terminadas habian un total de 9.868 unidades de viviendas valoradas en \$ 95 millones. En San Juan solo estan situados cuatro proyectos que comprenden 3.328 unidades.

MARTINICA. — El mes pasado una delegacion de agricultores de la Guayana Britanica visitaron a Martinica para obtener informacion sobre los metodos usados en el pais en los campos de la agricultura y el aumento en la ganaderia. Entre los delegados habian representantes de varios comites rurales de la Guayana Francesa, asi como el Director de Servicios Agricolas. Los delegados demostraron un marcado interes en el cultivo de la pina y el guineo, toda vez que la Guayana Francesa ha hecho todo lo posible pa-

Resultadonan di wega di futbol na Hulanda

EREDIVISIE

Sparta—DWS/A 2—2; Fortuna '54—ADO 3—1; Elinkwijk—NAC 1—3; Willem 2—Rapid JC 2—0; Ajax—NOAD 2—0; VVV—DOS 0—0; Scheveningen/Hollandsport—Blauw wit 1—3; MVV—Spel. Enschede 3—0; PSV—Feyenoord 3—1.

EERSTE DIVISIE A

Wageningen—DFC 0—4; De Graafschap—Helmond 0—1; Hadam 7—2; Limburg—Leeuwarden 1—2; SVV—ZFC 2—1; Alkmaar—BVV 2—2; VSV—Eindhoven 3—2; Fortuna (Vlaardingen)—AGOVV 3—1.

EERSTE DIVISIE B

Excelsior—Stormvogels 4—5; Vollewijkers—Heracles 0—1; KFC—Hermes-DVS 1—0; Roda Sport—HFC 2—3; RBC—RCH 1—2; Helmondia '55—Sittardia 1—2; Rigtersbleek—GVAV 0—1.

EERSTE KLASSE A

DWV—Gouda 1—2; Emma—UVV 3—2; Laakkwartier—VCS 2—2; OSV—DCG 1—0; De Spartaan—Unitas 2—0; CVV—Quick 0—1.

EERSTE KLASSE B

Alcides—ZAC 2—0; WVW—Borne 1—3; Quick '20—Be Quick (Zutphen) 1—3; Sneek—WVC 1—0; Jnick (Nijmegen)—Zwaagwestinde 4—1; ESCA—Hengelo 3—2.

EERSTE KLASSE C

Spel. Emma—Roermond 2—0; De Spechten—Boxtel 1—0; Vlisningen—Hoensbroek 2—4; MOC'17—Heer 0—3.

TWEDE DIVISIE A

DHC—Langa 3—1; Wilhelmina—Hilversum 1—3; Velox—Doko 3—3; Baronie—HDO 2—2; 't Gooi—De Valk 3—0; EBOH—UVS 0—2; ONA—Xerxes 5—1.

TWEDE DIVISIE B

Velocitas—Oldenzaal 1—3; Enschedese Boys—Rheden 1—1 Opv. Enschedese Boys—Be Quick—PEC 1—0; Zwolsche Boys—Veendam 1—2; Tubantia—NEC 1—1; Heerenveen—Go Ahead 0—2; Zwartmeer—Oosterparkers 4—1.

ra la rehabilitacion del cultivo de estas cosechas en su programa de desarrollo.

INDIAS OCCIDENTALES. — De acuerdo con un reciente comunicado de la Oficina de Informacion Federal, se planean tres conferencias de los Gobiernos de las Indias Occidentales, a las cuales el Gobierno Federal Convocara proximo. Una de estas conferencias es la del Consejo de Ministros para discutir materias de comun interes en las Indias Occidentales e incluyendo a la Guayana y Honduras Britanicas.

Otra es la conferencia con el Procurador General o/o jefes del Departamento de contribucion sobre ingresos de los Gobiernos de las Indias Occidentales para discutir un acercamiento comun en esta materia, cuando el gobierno Federal tome los poderes en este respecto. La tercera conferencia es la del Consejo de Ministros para discutir y llegar a un acuerdo sobre la Union de Derechos y el patron de la legislacion de incentivos industriales atraves del area.

JAMAICA. — New Kingston, es el nombre que se le dara al condado comercial que se construira en Jamaica. El mismo sera el centro comercial mas grande jamas construido en la historia del pais. La moderna ciudad dentro de una ciudad, suelen referirse casi siempre que le nombran. El mismo sera construido donde se encuentra actualmente situado el Knutsford Park Racecourse, cubriendo unas 80 acres y marcara la primera expansion cientifica planada en el metropolitano Kingston. Este lugar esta rodeado por todos los lados por urbanizaciones residenciales, y New Kingston, esta reconocidos por algunas autoridades de ser el area local, ideal para un verdadero centro comercial y profesional moderno. Incorporado en losomaticos planes de New Kingston, se encuentran amplias avenidas, soberbios lugares de compra, empu lugar de estacionamiento, plazas, parquez, hoteles y casis de la cual Jamaica podra sentirse orgullosa. Otra atraccion simbolica de este reciente adelanto sera el nombre de las avenidas y bulevares. En el esquema puede verse que cerca y al frente de la arteie comercial central llamada Knutsford Boulevard, puede verla a Tobago Avenue, Grenada Crescent, Barbados Avenue, Trinidad Terrace, St. Lucis Avenue, y Dominica Drive.

PUERTO RICO. — De acuerdo con la Oficina de Investigacion Economica de Fomento, Puerto Rico obtuvo un aumento en el ingreso neto de la manufactura por un 160 por ciento desde 1950. El ingreso total en el ano fiscal 1950 fue de \$ 88.7 millones, y en el ano fiscal 1958, fue de \$ 230.9 millones. El aumento mas marcado fue registrado por las fabricas de Fomento. En 1950 el ingreso neto de las mismas fue de \$ 8.2 millones, y en el 1958 fue de \$ 112.2 millones.

El ingreso neto obtenido de las plantaciones de asucar y tabaco bajo por un 21%. De 43.3 millones de dolares en 1950 a \$ 27.1 millones en 1958.

„Otras Fabricas“ registraron un 98 por ciento de aumento, de \$ 46.2 millones en el 1950 a \$ 91.6 millones en 1958.

DOMINICA. — Recientemente se llevo a cabo un aterrizaje en la pista del aerodromo en construccion por el Gobierno en Melville Hall cuando un Grumman Goose aterrizo alli. Esta ocasion marco la inauguracion oficial del aeropuerto de Dominica. Estas facilidades temporeras estaran a la disposicion con cuatro horas de anuncio, como lugar para aterrizar y despegar aviones. El uso de la pista sin embargo, esta limitado a operaciones diurnas de lunes a sabado, y esta restricta para aviones que excedan de 12.500 libras de peso.

EILANDGEBIED ARUBA Openbare aanbesteding

Namens N.V. Arrivee zal ten Kantore van Openbare Werken Aruba op 2 januari 1959 's morgens 10.00 uur in het openbaar worden aanbesteed:

1 de levering van „Laundry“ en „Valetequipment“

2 a. de levering van materialen t.b.v. het „Sound-system in het Aruba Caribbean Hotel.

b. de installatie van het onder a genoemde materiaal.

Specificaties en voorwaarden te bekomen op Woensdag 10 december op het kantoor D.O.W. Aruba.

KNSM



ORANJE NASSAU, 6 dec. '58 van Amsterdam
IRITON, 11 dec. '58 van New York
TELAMON, 14 dec. '58 van Amsterdam
MENTOR, 18 dec. '58 van New York
ORANJE NASSAU, 20 dec. '58 van Cartagena
DAPHNIS 21 dec. '58 van New Orleans
ADONIS, 24 dec. '58 van Amsterdam.

Een gezellige reis

TELEFOONS KANTOOR ORANJESTAD:

1777, 1778, 1779 en 1864 (agent)

TELEFOONS KANTOOR SAN NICOLAS:

5264 en 5404

Bovenstaande data zijn voorlopig en aan veranderingen onderhevig.



Serving Half the World

KONINKLIJKE NEDERLANDSCHE STOOMBOOT M.J. N.V.
ROYAL NETHERLANDS STEAMSHIP CO.
CIA REAL HOLANDESA DE VAPORES

NO CHANSA CU BO SAL UD: BEBE MALTA CORONA



Dennis, de Schrik van de Buurt



„Waarvoor sta je zo te schreeuwen?“

„Pakiko bo ta grita asina?“

E argumento pa uni pa un cierto „control“ no ta pega, ora cu bo nota bon, cu e bloki democratico, tambe sin voto di U.N.A. por goberna y no tin mester di U.N.A. henteramente den Eilandsraad.

Otro argumento: uni pa interes general di Antillas Neerlandes, lo por zona hopi mas bon, apesar cu ta sei e pregunta, pakiko uni cu hendenan, cuol, manera U.N.A. mes varios biaha a bisa, seguramente no ta traha na interes di Antillas.

Asina cu no ta nada strango tampoco ora durante eleccionnan di Eilandsraad hopi votador lo laga e partido aki un banda.

Texas Furniture Store
VOOR
Eetkamermeubelen
menten

THE PEARL OF THE ORIENT
Leo Berilink
San Nicolas - Oranjestad
F. uilhor holoshiman di mudo:
Girard-Perreguax

NOS TA ENTREGA
TUR SORTO DI
VERF
den bicki di tur tamanojo.



— Semper mas valor
pa bo placa —

Mansur Trading Co.

La Fama den finl di torneo tras de- rrota Aruba Jrs.
(Di Nos Sportreporter)

O'STAD. — Diablemte anochi e onena di Los Verdes de Savaneta a sigi cu nan revancha ariba e equiponau di hoofdklasse ora cu nan a gana Los Azules de Aruba Jrs cu score di 2-1.

Aitrope nan a duna mihor futbol cu nan contrario y a obtene un mercedo triunfo. Despues di a pasa e promer mitad hopi den defensa, e onena di Savaneta a reaccion den e segundo tempo y penetra e defensa di Aruba Jrs dos biaha pa obtene e triunfo.

E goal di Aruba Jrs a orde anota den e promer mitad door di Mundo Kemp, mientras cu pa La Fama a score Coffie y Colina ambos den e segundo mitad.

E defensa di La Fama a traha bon cu Joy La Rosa na cabes y teniendo su ex-companjeronan di equipo bao control.

Awor La Fama a situa su mes den finale di e Torneo Eliminatorio aki. Nan lo mester enfrenta e ganador entre San Nicolas Jrs y R.C.A., kenendon lo enfrenta otro majan anochi den Wilhelmstadion.

Semper fresco, seniper baruta seniper limpi.

KEES GROCERY N.V.
tel. 1079

LA COMODIDAD
J. G. Enmanstraat 70 - tel. 1608
ta bo adres pa
LIMONADA y CERVEZ
pa e dianan di Pascu.

ARUBAANSE MUZIEKSCHOOL
ta presenta


FUNCION DI DISCIPULONAN
diarazon 10 Dec. den Centro Cultural.

Comienzo 7'or

Blockfluit, Viool, Piano, Canto di muchanan chiki.

ENTRADA FL. 1.— Karchi obtenibel na sala.

DIARAZON proximo
ta dia di
CARNI MULA



un oferta especial:
1 LIBER DI CARNI MULA
(dos sorto di carni brucha)
pa solamente fls. 1.25

Esaki bo ta hanja solamente no

HOLLANDSE SLAGERIJ
Kerkstraat 7 - A. J. Tonk - tel. 1771

MODA
tambe den optiek

Na e dama moderna, cu ta existi hopi pa su apariencia,

NOS TA OFRECE NOS COLECCION MAS NOBO DEN

MONTURA DI BRIL

Oduber & Kan inc
Opticians tel. 2193



PAGINATRES

Suceso Den Sala Tribunal Na Aruba

Intencion pa golpi mortal

Durante tratametu di varios casonan diabolicas u.p., e caso di L. M., un Arubano di 28 anja a worde trefe padilanti M. ta un trefe largo kende a eschete e abogado di mas cortejo entre tur e abogadoan como su defensor, cual na cierto momento tabata forma un gracioso contraste. Promer cu juez J. J. M. van Geet a cuminsa cu e interrogacionnan, e abogado mr. P. P. C. H. van der Voort ta haci un peticion na juez pa declara e citacion aki invalido pa motibo di negligencia di costumbre y pa pone su cliente liber inmediatamente. Senyor Van der Voort ta splica detalladamente di kiko e negligencia aki ta trata, segun e ta hanja, y na unda e ta opina cu su mihor pa keda sin castiga un persona na un delicto, cu libertad di hende e ta worde poni den peliger y cu poder di gobierno ta hasi mal uso di esaki pa falta di fidedad of negligencia ora cu nan mester considera cierto stipulacionnan. "Pa persigu un hende esaki mester bai di tal manera, cu acusado por hasi uso di su derechonan humano y e derecho aki mester ta completamente garantisa." "No ta correcto", asina e abogado ta sigi, "cu e demanda pa detencion ocho siman despues noma ta worde notifica". Segun mr. van der Voort esaki ta un negligencia cu por dirigi na anulacion dje citacion, mas cu e posibilidad pa firma pa corte supremo ta keda tur frusta door dje orde di detencion aki.

Mr. F. C. Fickel, fiscal ta bisa den su replica, cu notificacion dje orde pa detencion segun ley no ta existi cu mester worde hasi inmediatamente. Asina cu segun el, no tin question di negligencia.

Mr. Van der Voort ta contesta riba esaki cu unio Ley tal vez ta demostra un cierto falta aki, pero di tur manera e sistema di O.M. ta contra base di ley, cu di tal manera e citacion toch mester keda anula.

desicion importante

Juez dunando su desicion mes ora riba peticion di e abogado, ta lamenta, cu O.M. a keda asina laat prome cu nan a pasa pa notificacion dje detencion. E ta trefe padilanti por lo de mas, cu ley unicamente difinitivamente ta stipula, cu e notificacion mester worde tumada prome cu e siguiente persecucion. Di tal manera cu no por worde papia di un negligencia formal di parti di O.M. y dunando algun splicacion mas, ta conclui cu ta imposibel pe considera e citacion aki invalido.

Hincamento

Despues di esaki tratametu dje caso mes a cuminsa. Loke a bini na claridad ta cu e homber L.M. dia 7 di september u.p. anochi pa 8'or bao di influencia di alcohol, a bai na un cas na Barcelona, na unda senjorita B.R. tabata biba, su esposa di antes y te cu poco tempo pasa prome cu dia 7 di september su concubine, kende tabata spera otro jiu di dje trobe. Despues di a kibra porta dje cas e la drenta den e cambier na unda e muher tabata y cu un punjal skerpi

a hinca e muher barios biaha den su pecho.

Como fondo dje hecho aki mr. Van der Voort ta declara con su cliente na Mei '51 tabata casa cu e victima; e tabatin 20 anja di edad, y e muher 15 anja. Door di intervencion di otro heude, specialmente di parti di mayoman ta bini desunio, cual a resulta cu partimantu na Juni 1956. Poco tempo despues e pareha hoben a bolbe haci bon cu otro y a bai biba buntu trobe, durante cual union pa 1 di december '57 nan a hanja un jiu. Dje tempo caba nan tabatin intencion pa bolbe bai casa cu otro. Na principio dje anja aki e muher a bolbe keda na estado pa di dos biaha.

Na fin di Augustus sinembargo tabatin desacuerdo trobe entre e homber y su namorada. E muher di repente a bandona cas sin bisa na unda e ta bai.

E dia di hincamentu "amigonan" di L.M. a haci kere cu su muher tabata biba cu otro hende. Bebiendo nan tabata bolbe riba e caso aki cada rato, local na cierto momento a haci M. perde cabez. Ora cu su amigonan ta bisele na unda su estimada Bernarda tabata actualmente y na unda sigur nan lo hanjele cu e otro, si e bai anochi pa 8'or, e la dicide di bai mira si ta herdad na e ora cu nan a bisele, bon harma cu un punjal, pa baha su rabia riba e muher aki pa su infidelidad. No tabatin ningun clase di otro homber den cas, pero ni esaki M. no ta ripara mas na e momento ey: **E TA HINCA NUMA**, y e asi mes ora e ta bini na tino: Segun su muher ta pidicle pordon e ta bini bij pocopoco. E ta bai busca un dokter, pero no ta logra. Ora cu despues e ta bolbe e ta hanja cu mientras tantu nan a hiba su estimada hospital caba.

Demanda di fiscal

Mr. Fickel no por a jega na e prueba pa conclui "intencion pa mata", pero ta hanje cu wel tabatin deliberacion y consideracion prome cu acusado a comete e hecho, pero esaki no a worde haci calma y tranquilo, di manera cu acusado por a considera e resultadonan di su hecho. M. tabata hopi irrita, mayormente door di informacion falsunian di su "amigonan". Asina cu fiscal ta conclui "intencion pa golpi mortal". Fiscal kier tene cuenta

cu e dosnan a haci bon cu otro mientras tanto y cu nan matrimonio por tumia lugar cada momento asina cu presenta e prome oportunidat. E ta demanda un castigu di prison di un anja sin descuento, di cual sinembargo cuater luna condicional. E punjal mester worde destrui.

Crime di pasion

Conclusion di mr. Van der Voort tabata: "crime passionelle" asina e ta juma e hincamentu aki. Door di irritacion di euentonan di su amigonan. M. a bira siego di rabia y desilusion. "Su bon amigo B.S. mester ta para aki na e momento aki. E ta mas culpable dje crime aki cu M. mes", asina mr. Van der Voort ta bisa.

Cu M. kier a castiga su muher cu un punjal, segun e abogado, ta mas riba un instinto animal, pa castigamentu di e sexo debil ora di mal comportacion, cual tur homber ta posee, specialmente aki na Sur-América." E ta suplica juez pa duna su cliente un castigu masha suave, si ta posibel unicamente e voorarrest cu e la sinta caba, considerando e union di e dos nan trobe mientras tanto, y tambe e hecho cu M. a worde retira for di Lago, pero kende tin tur intencion di busca un trabao como lasdo na Corsow pa forma un bida nobo p'e y su familia.

Despues di ocho dia juez lo duna su desicion.

Un matrimonio pa salvacion
pa TUYUCHI

No. 62

Suerte a cuminsa ta bira na banda di lord Ryeburn, pasobra e minanan a cuminsa ta produci masha hopi diamantananan de la manera cu den poco tempo lord Ryeburn a bira e conde di mas rico di enter Inglaterra. Mientras e hoben condesa tabata considera como un dje reinanan di mas simpatica i mas bella pa motibo di elegancia i su hermosura.

Tabata pa nan dos anja brillante, pero tabata alavez dos anja cu a caba tambe demasiado pronto.

CAPITULO XXV

Un dia di Juni masha hermosa a abri pa e familia aqui. Kloknan tabata resona alegremente den torrennan di misa di Lancedene.

Columnonan di posesion casi tabata tur reuni, anima i contento; pues riba e manta soleado, aqui Lady Clarisa a duna luz na un yiu homber, heredero di asina un gran fortuna.

Tabata como si fuera nan sa pa instinto cu e conde tabatin ansia pa un yiu homber.

Tabata un noticia deliciosa.

Kloknan a participa e noticia aqui na tur manera i tur concelnan i circulonnan aristocratico no tabatin otro conversacion. Nan tur pareu tabata combersa i participa den e fausta noticia, e acontecimiento grandil.

Enter e cas tabata hubila i tabata reina masha satisfaccion.

E condesa viuda a yega Lancedene algun dia prome; i doctor Fellowes a ser jama expresamente pa e asisti na o parturienta.

Excepto e gran cirujano Fellowes aqui, tabata presente tambe e medico inteligente di Lancedene.

E heredero chiquito tabata drumi den su cuna riquisimo; masha poco sirbiente i famianan di mas yega tabata ser permiti pa mira e heredero aqui.

Nan tabata sali foi e cuarto dje baby i cada un tabata sali cu e mes palabranan, cu e tabata e yiu di mas bunita cu nan a mira.

"Mama", e conde a bisa rebozando di un orgullo paternal. "Mi quier pa mi yiu carga number di mi tata. Lo nos jam'e Vance".

I Lady Ryeburn a queda ta mir'e cu wowonan jen di lagrima.

"Si e bin ser un yiu asina bon pa ho, manera abo tabata pa mi, anto lo e mester ricibi bendicionnan di cielo".

Luz di solo no tabata asina brillante manera e bida cu a abri awor despues di nacemento dje heredero chiquito, pasobra repentinamente i silenciosamente un gran ansiedad a podera riba e mansion feliz.

E sonrisanan a desvanecer, e silen-

cio i e obscuridad a obscurece na placer i na luz i inesperamente e condesa a bin bira malisimo despues di parto.

Crianan tabata corre p'ariba p'abao, siguiendo instruccjonnan dje dokternan cu a asisti e condesa.

Den un huki aki i aya bo tabata hanja e crianan ta tapa nan cara cu nan voorschoot ta jora den silencio.

Den e dormitorio, silenciosamente e dos doctoman tabata observa e mama palida quende lo no mira luz mas di un dia nobo.

Den un otro cuarto un homber tabata na rudia ta suplica cielo di conserva e mama aqui pa su yiu chiquito.

E homber aqui tabata conde Armin, quende e dokternan a saca un rato foi e cuarto dje condesa muni-bunda.

Despues di un rato cu boz debil e enferma a mummura:

"Mi quier mira mi esposo".

E dokternan un a drei mira otro. E dokter di Lancedene a bisa e cirujano:

"E bishita aqui dje conde ta capaz na excite, pasobra den su situacion actual cada excitacion por causa su morio".

Pero e cirujano especialista a responder:

"E danjo aqui no por ta masha, pasobra lastimamente ya su oranan ta conta caba".

Clarisa a dirigi su miradanan na nan tur dos.

"Ta paquico boso ta mira mi na un manera asina stranjo?" Clarisa a puntra e dokternan; "acaso mi ta na peligror anto? Acaso mi ta bai muri?"

E sombrio di cara dje dos dokternan aqui a sobresalta Clarisa.

Su pregunta a pone e dos dokternan aqui alinda mas confus. E ora ei e condesa viuda a yega cerca Clarisa i a bis'e:

"Mi querida Clarisa, bo curpa no ta mucho bon... al contrario ho enfermedad actual ta grave".

"Mi ta bai muri!" el a ripiti.

I ningun dje tres personanan aqui cu tabata rond di su cama tabata tribi na contradeci e condesa aqui.

"Larga mi mira mi esposo", el a suplica.

I e dokter especialista a bisa:

"Si... awor ta ora di larga su esposo drenta noma".

I ora cu lord Ryeburn a drenta e cuarto e enferma a bira su cara p'.

Su aspecto i su boz a comove tur e presentenan ora cu el a bisa na boz y debil:

"Armin, mi ta muri. Bini na mi lado, mi querido esposo. Larga mi muri den bo brazos".

(E ta sigi)

Cumpleaños feliz

Pa cortesia di

Mario's

— nos tin tur cos pa bo fiesta —



Bo mester di un regalo
pa bo novia ??

MARIO'S
tin PERFUME



E hobencito Ambrosio Paesch ta celebra su feliz cumpleaños y ta ricibi felicitacion di su tata, mama, rumannan Irena, Alejandro, Isidora, Helena, Evaristo, Tomas, Beruadette, Sinovio, Chichi, welo, tantanan, primo y primanan, especialmente di Arcadio, Wernet.

Viola La Rosa ta celebra su feliz cumpleaños y ta ricibi felicitacion di su esposo, Joy La Rosa, jiuinan Josefa, Jossy La Rosa, y di mama, tata, rumannan Ramiro, Marina, Carmen, Clara, Carlos, Felipe y di Amelia Oduber y Maria La Rosa, ihanan Nelly y Rudy, comer y compenian, y demas familia La Rosa, Trinidad y Marchena.

Senora Nicolina Nicolaus ta cumpli anja y ta ricibi felicitacion d su esposo Wlem, jiuinan Elfrain, Robert, mama Sebastian, tata Placido, rumannan Ricardo, Ramira, Trina, Edwin, sobrina Ludwina Geerman, suegra Maria Nicolaus, suegro Victor.

Senorita Linda Boekhoudt a cumpli 17 primavera y ta ricibi felicitacion di su estada mama, tata, rumannan Theresia, Kthrien, Lucy, Mina, Pedro y Emy, sobrino Boydi, y Hurdy, especialmente di su prima Margo Solognier y Annie Geerman.

Ave a cumpli anja Senorita Annie Geerman. Felicitacion ta bini di su mama, tata, 3 rumannan, sobrino, sobrinanan, tanta y omonan, especialmente di prima Linda Boekhoudt y Margo Solognier.

E dos hobencitonan Ale y Alex Croes, kende ta cumpli 8 anja, ta ricibi felicitacion di nan tata Lendi, mama Novewa, rumannan Petrae Rosa, Calito, Chebito, Carmen, Carriente, Ninita, Martino, Mario y Sella, wela y welonan, tanta y omonan, prima y primonan, tambe di Meneer van der Biesen y tur nan amigonan di 2de klas di Noord ta larga feliciteer nan.

E chikitan Ligia Wouters ta celebra su feliz cumpleaños y ta ricibi felicitacion di su tata Bubu, mama Linda, rumannan Jojo Wouters, padriño Mathias Wouters, madrina Aura, tur su onia y tantanan, prima y primonan, wela y welonan, tur su amigonan, especialmente di familia Wouters y Martijn.

Senorita Pina van der Linden a ce-

Pa aviso y tur correspondencia pa "Arubaanse Courant" dirigitu na: "Arubaanse Courant", 1116 Directie y Avies, 1116 - Redaccion y Suscripciones, Caspo de ARUBAANSE COURANT, per gordo absteni na San Nicolas na Union Store, Mainstreet.

CINE
De Veer 8.30 For whom the bell tolls
Rialto 8.00 Death in small doses
Principal 8.00 Mister Cory
Aurora 7.30 Wings of the hawk
Savaneta 7.30 De Madonna van de slapwagens

TAORO - MANGO juice

BOTICA DI WARDA
Botica del Pueblo

AIR CONDITIONING

PARTERA
Zr. E.S.T. Brannmuller — tel: 135
Wilhelminastrat 22.

y... MESKER ta drecha
MUEBELNAN

"A.A.T."
Tel. Clubgebouw 2341
Tel. P. C. Harting 2010
Tel. despues di ora di oficina 1522
AGENDA
Dialuna 8 di december

AVAILABLE LIGHT
500 ASA
SUPER HYPER FILM
FOTO IDEAL
Oranjestad
KUSTERS TRADING CO.
Nassaustraat 8

Un bon regalo
di Pascu
IJs Eau de Cologne di
BOLDOOT

SPAAR labels di GERBER
pa **POPCORN di GERBER**
Cambia nan na:
ARUBA AGENCIES Ltd.
Nassaustraat 114 - tel. 1130.

OFICINA MARITIMA
DE ARUBA
Tel. 1622
Empaquetamento di Meubles

Bo adres
pa entregu
y instalacion
di

Luz - Aire Acondicionado
Iluminacion pa
propaganda -
Fa. K. Loonstra
Tel. 1575 - Dakota

lebra su feliz cumpleaños y ta ricibi felicitacion di su tata Colai, mama Rosae rumannan Toni, Meme, Thelma, welo, wela, tanta y omonan, primo y primanan, madrina Albertina Ruiz, Merinda de Kort, padriño Juan Ras, especialmente di su amiga Eliza Ras.

Simona Koolman ta celebra su feliz cumpleaños y ta ricibi hopi felicitacion di su esposo Francisco, jiuinan Oncha, Lin, Mino, mama, tata, 5 rumannan, siegra, cunijanan, primo y primanan, 17 ihanan, especialmente di Diehl y demas familia Koolman.

Maria Nicomede Marchena ta cumpli 9 anja y ta ricibi felicitacion di su tata Augusto, mama Maria Leoncita, rumannan Augustina, Otilia, Chimnia, Mechi, Bihny, Lio, Roby, sobrino Rosa, Helena, padriño brodo Alders, madrina, familia Marchena, su dos familia Alders.

Elizabeth Gomez ta cumpli 4 anja. Felicitacion ta bini di su tata Pedro Gomez, mama Leonidas Gomez, especialmente di tur su rumannan Selma, Sylvia, Diana, Mario, Alberto, Tiofilo, Roland, Imelda y Luisito Gomez, padriño Elias Tromp, madrina Susanita Dania y demas familia Gomez.

Senora Brigida Montaner ta celebra su feliz cumpleaños y ta ricibi felicitacion di su esposo Agapito, mama, tata, tur su rumannan, sobrino y sobrinonan, tanta y onio, especialmente di su mer Elizabeth Tromp, comer Roy Franken, Inchi, Maricet, Elvira y Ita, Dora Montaner, Fabia, Estrinila, Mathilda Matos, Buhuchi y Fefe Montaner na Punto Fijo.

E hobencita Getha Ludwina Tromp ta celebra su 3 anja di feliz existencia. Felicitacion ta bini di su mama, Carlita, rumannan Jorge, Mario, welo Hose, wela Eliza, tanta Maria del Carmen, Marianita, Elizabeth, Brigida, Maria, onio Jossy, Renny, Frans, Prima Glenda, Ada, Sonia, Annie, So-raida, Edlyn, primo Albert, Frans, Tico, tambe di Alberto Solognier, Agapito Montaner, Frans Croes, tur su amigonan, especialmente di su madrina, Marianita Solognier.

Oduber & Kan inc.
Opticians tel. 2193

No chansa cu bo bista

Wowo cu ta cansa, tin mester di un brill.
Acudi na un specialista i laga samina bo wowo.

Cu gusto nos ta yuda bo.

ODUBER & KAN
OPTICONAN DEN NASSAUSTRAT No. 47

Hollandsche Winkel di Marcial de Cuba - Boerhaavestraat - Tel. 1351.
Ta bo tienda preferi pa tur bo compras.
Special pa e luna di december:
Pa cada compra di DIEZ FLORIN.
2 barra di Chuculati.
Solamente valido riba diasabra.

Air Condition
your home

Welga na Trans World Airline a termina

WASHINGTON, 7 dec. — E welga di e mecaniconan di e compania aerea Trans World Airlines, cu a cuminsa 17 dia pasa, a caba ayera. E servicio di T.W.A. lo sigui mayan. E welgistanan a acepta e proposicionan di e directiva di e compania tocante un tratado di trabao nobo.

EL CISCO KID

„Nada di groceria. Nos ta bai hiba boso cerca e sheriff.“ Mientras tanto e verdadero bandidonan ta alehando mas y mas.... „Nos a dwaal nan.“ „Si, pasobra ningun hende ta sigui nos.“ „Si nan detene o dos nan alla, kiko nan lo haci cu nan?“ „Nan lo horea nan.“



JUAN EL INTREPIDO

Donny ta keda manera paraliza... ora e la mira cu e guardianan a mirele. Pero poco rato despues... Juan ta bula coge Donny, kende sorprendi ta puntra: „Juan... mi a kere... Kiko bo ta haciendo aki nan?“ „E mesun locura cu abo ta haciendo y awor no tin otro medio cu riska tur loke nos por.“



DICK TRACY

„Mihor mi laga para. E poliesnan a nek mi. Mi no tin chance di hanja e llavi di e slot machien back.“ „Apesar di todo, mi no ta mas cu un mucha ainda... un victima inocente di e forzanan opuesto... cu a ser bendi den e slot machien Racket door di mi propio mama... cu nan a forza pa scribi e Syndicate desde cu mi tabatin 12 anja. Mi amigo, asina mi mama a train mi un baha pa un asunto di husticia. Y lo bai usa e mesun palabranan awor cune ora mi llega cas.“



RIP KIRBY

Oran Stanley a tende e stem bisa „Para“, e la contesta cu un tiro di su revolver cu inmediatamente na su turno a ser respondi pa otro tiro di esun cu a ritele para. Tur ta acerca pa presencia e tragedia. „Mi tabatin un apuesto cu mi hendenan manera mi a sugeri, Rip.“ „Y e la resulta manera nos tabata spera, Hefe Stone. Ya e cortina a cai pa Stanley.“



EL PRECIO DEL TRIUNFO

Trece e presupuesto, atrobe pa mi. Pegl Mi tin cu tira un vista riba algun cos ainda. Clint ta bisa: Ta bon, Clint, Peg ta responde sin gana. Su dia siguiente... E a pidi atrobe. Lalol Peg ta conta Lalo. Awenochi lo mi bay den su apartamento. Si mi jamé promé lo e por desculpá. Danki, Peg. Mi no quier preocupá bo... pero e ta haci mi tur nieuwsgierig... Lalo ta jama na telefon y ta bisa... E ora a jega, Clint! Percura bo trece e cifranan awenochi... o majan mi ta saca tur cos afor! Nos ta contra cu otro pa nuebor.



EL DIARIO DE UNA VIDA

Qui buelta e bida qui por tin no! A para bira cu mi ta empleado di Val Winston, na ora di trabao e lo ta mi hefe... pero e tempo sobra lo nos ta rival. E por te hasta quita mi... E dos muchamuhernan ta sinta na mesa ta escuchan su conversacion maisha entusiasma. Ee, hasta quita mi novia for di mi, si e por! Dan ta bisa.



PEPITA

Mi tin mas cu mei hora ta warda Pepita! Lorenzo ta murmura den su mes. E a para warda te fada. Un senora ta jega cerca Lorenzo y ta puntra si e por mustre na na unda postkantor ta queda... E ta queda na e cabamento di e call, aqui mes, Sr. Lorenzo ta contesta. Net cu Pepita ta jgando cerca, e senora ta camina hay. Ta quien e dama ey ta? e ta puntra. Solamente pidi e a pidi cu ni por mustre unda postkantor ta queda. Bo no spera cu mi ta quere loque bo a eaba di bisa ni, no? Muhernan verdad! Lorenzo ta pensa den su mes.



UN OFERTA MASHA ESPECIAL di Zodiac

Solamente valido te diasabra p.v.

Ora bo compra un

HOLOSHI - ZODIAC

e holoshi di calidad di Suiza

bo ta hanja

fls. 25.—

(binti cinco florin)

pa bo holoshi bieuw!

No ta importa ki marca, anja, danja o no.

N.B. Ora bo compra un ZODIAC DI ORO bo holoshi tin un valor di

fls. 50.—



Holoshinan ZODIAC ta ser usa oficialmente pa e Vianan Ferrea Suizo, e unico compania cu semper ta na ora.

Holoshinan ZODIAC ta un gusto pa bo mira, asina bunita y no cara.

UN REGALO DI PASCU DI VALOR ta un **ZODIAC**



WAT KAN KANKAN KAN ALLEN

Refrescante

BALS P.K.



SALUDABLE...

DELICIOSO!

no lubida cu cada pedido bo ta hanja 6 botter of un recki gratis. Pa haci bo pedidanan, jama 1418 of 1152 CONTAL AGENCIAS

Cumpleanjo feliz

A celebra su feliz cumpleanjos e simpatico caballero Juancito Wolff y ta ricibi felicitacion di su mama Philomena, Maria, Joseph, Thomas y Juan, tambe di tur su amiganan. Familia Wolff y Henriquez.

E hobencito Etiquino Jacobs a cumpli 10 anja. Felicitacion ta bini di su mama Maria Jacobs, tata Oswald Jacobs, rumannan Alberto, Richard, Lourdes, Oswald Jr., Edward, Leonard, Mayra, Simona, Edgar, Antonio Martis, Ada y Silvia Yrausquin.

E hobencita Mabel Jacobs ta cumpli 10 anja. Felicitacion ta bini di su mama Maria Jacobs, tata Oswald Jacobs, rumannan Alberto, Richard, Lourdes, Oswald Jr., Edward, Leonard, Mayra, Etiquino, wela Simona, tio Adgard, Antonio Martis, tia Aura Werelmin, amiganan Ada y Silvia Yrausquin.

E hobencita Mariane Ridderstap ta celebra su feliz cumpleanjos y ta

ricibi felicitacion di su tata Domingo, mama Annie, rumannan Milo, Rudi, Ronie, Glenda, Ilsa, Hubert, Marvis, y Allen, especialmente di su amiguita nan Marilyn y Sonia Gomez, tambe di su amiguitanan di Kleuterschool di St. Emelda.

Sr. Debaristo Croes, ta cumpli anja. Felicitacion ta bini di su esposa, junan, nieto y nietanan, suero y suergranan, tambe di familia Croes y demas familia y conocinan.

Senor Nicolaas Pena ta recorda su fecha natal y ta ricibi felicitacion di su esposa Pina, 11 junan, suagra Irene Wouters, 2 nietonan Antje y Wina Montesano.

Nicolaas Kelly ta celebra su fecha natal y ta ricibi felicitacion di su esposa Florentina, 3 junan Edwin, Ina, Ida, familia Tromp y Kelly.

Juan Nicolaas Tromp ta celebra su cumpleanjos y ta ricibi felicitacion di su mama, tata y demas familia especialmente di su tia Ina Kelly.

Pa e mihor Regalanan di cumpleanjos